

四庫全書

經部

欽定四庫全書

經部

原本周易本義卷三

三至
未下

詳校官侍郎_臣李封

通政使司副使_臣莫瞻菴覆勘

總校官編修_臣王燕緒

校對官中書_臣費振勳

謄錄監生_臣施華

欽定四庫全書

原本周易本義卷三

宋 朱熹 撰

周易彖上傳

彖即文王所繫之辭上者經之上篇傳者孔子所以釋經之辭也後凡言傳者放此

大哉乾元萬物資始乃統天

此專以天道明乾義又析元亨利貞為四德以發明之而

此一節者釋元義也大哉數辭元大也始也乾元天德之大始故萬物之生皆資之以為始也又為四德之首而貫乎天德之始終
故曰統天雲行雨施品物流形
釋乾之亨也
大明終始六位時成

時乘六龍以御天

始即元也終謂貞也不終則无始不貞則无以爲元也此言聖人大明乾道之終始則見

卦之六位各以時成而乘此六陽以行天道是乃聖人之元身也

乾道變化各正性命保合大和

乃利貞

變者化之漸化者變之成物所受爲性天所賦爲命大和陰陽會合中和之氣也各正者得於有生之初保合者全於

已生之後此言乾道變化无所不利而萬物各得其性命以自全以釋利貞之義也

首出庶物萬國咸寧

聖人

在上高出於物猶乾道之變化也萬國各得其所而咸寧猶萬物之各正性命而保合大和也此言聖人之利貞也蓋嘗統而論之元者物之始生亨者物之暢茂利則向於實也貞則實之成也實之既成則其根蒂脫落可復種而生矣此四德之所以循環而无端也然而四者之間生氣流行初無間斷此元之所以包四德而統天也其以聖人而言則孔子之意蓋以此卦爲聖人得天位行天道而致太平之占也雖其文義有非文王之

舊者然讀者各以其意求之
則並行而不悖也坤卦放此

至哉坤元萬物資生乃

順承天

此以地道明坤之義而首言元也至極也此大義差緩始者氣之始生者形之始順承天施地

之道坤厚載物德合无疆含弘光大品物咸亨

言亨也德合无疆謂

配乾北馬地類行地无疆柔順利貞君子攸行

言利貞也馬乾

之象而以爲地類者北陰物而馬又行地之物也行地无疆則順而健矣柔順利貞坤之德也君子攸行人之所行如坤之德也所行如先迷失道後順得常西南得此則其占如下文所云也

朋乃與類行東北喪朋乃終有慶

陽大陰小陽得兼陰陰不得兼陽故坤之

德常戒於乾之半也東北雖喪朋然反之西南則終有慶矣

安貞之吉應地无疆而

且貞地之德也

屯剛柔始交而難生

以二體釋卦名義始交謂震難生謂坎

動

乎險中大亨貞

以二體之德釋卦辭動震之為也險坎之地也自此以下釋元亨利貞乃用文

王本意

雷雨之動滿盈天造草昧宜建侯而不寧

以二體之象釋

卦辭雷震象雨坎象天造猶言天運草雜亂昧冥晦也陰陽交而雷雨作雜亂冥晦塞乎兩間天下未定名分未明宜立君以統治而未可遽謂安寧之時也不取初九爻義者取義多端姑舉其一也

蒙山下有

險險而止蒙

以卦象卦德釋卦名有兩義

蒙亨以亨行時中也匪我

求童蒙童蒙求我志應也初筮告以剛中也再三瀆瀆

則不告瀆蒙也蒙以養正聖功也

以卦體釋卦辭也九二以可亨之道發人

之蒙而又得其時之中謂如下文所指之事皆以亨行而當其可也志應者二剛明五柔暗故二不求五而五求二其志自相應也以剛中者以剛而中故能告而有節也瀆筮者二三則問者固瀆而告者亦瀆矣蒙以養正乃作聖之功所以釋利貞之義也

需須也險在前也剛健而不陷其

義不困窮矣

此以卦德釋卦名義

需有孚光亨貞吉位乎天位以

正中也利涉大川往有功也

以卦體及兩象釋卦辭

訟上剛下

險險而健訟

以卦德釋卦名義

訟有孚窒惕中吉剛來而得中

也終凶訟不可成也利見大人尚中正也不利涉大川

入于淵也

以卦變卦體卦象釋卦辭

師衆也貞正也能以衆正可

以王矣

此以卦體釋師貞之義以謂能左右之也一陽在下之中而五陰皆為所以也能以衆正則王

者之剛中而應行險而順以此毒天下而民從之吉又

何咎矣

又以卦體卦德釋丈人吉无咎之義剛中謂九二應謂六五應之行險謂行危道順謂順人心

此非有老成之德者不能也毒害也師旅之興不無害於天下然以其有是才德是以民悅而從之也

比吉也

此三字疑衍文比輔也下順從也

此以卦體原筮元永

貞无咎以剛中也不寧方來上下應也後夫凶其道窮

也

亦以卦體釋卦辭剛中謂五上下謂五陰

小畜柔得位而上下應之曰

小畜

以卦體釋卦名義柔得位指六居四上下謂五陽

健而巽剛中而志行乃

亨以卦德卦體而言陽猶可亨也密雲不雨尚往也自我西郊施未行

也

尚往言畜之未極其氣猶上進也

履柔履剛也

以二體釋卦名義

說而應

乎乾是以履虎尾不咥人亨

以卦德釋彖辭

剛中正履帝位而

不疚光明也

又以卦體明之指九五也

泰小往大來吉亨則是天

地交而萬物通也上下交而其志同也內陽而外陰內

健而外順內君子而外小人君子道長小人道消也

否之匪人不利君子貞大往小來則是天地不交而萬

物不通也上下不交而天下无邦也內陰而外陽內柔

而外剛內小人而外君子小人道長君子道消也 同

人柔得位得中而應乎乾曰同人

以卦體釋卦名義柔謂六二乾謂九五

同人曰行同人于野亨利涉大川乾行也文明以健中

正而應君子正也唯君子為能通天下之志

以卦德卦體釋卦辭

通天下之志乃為大同不然則是私情之合而已何以致亨而利涉哉

大有柔得尊位

大中而上下應之曰大有

以卦體釋卦名義柔謂六五上下謂五陽

其德剛

健而文明應乎天而時行是以元亨

以卦德卦體釋卦辭應天指六五也

謙亨天道下濟而光明地道卑而上行

言謙之必亨

天道

虧盈而益謙地道變盈而流謙鬼神害盈而福謙人道

惡盈而好謙謙尊而光卑而不可踰君子之終也

變謂傾壞

流謂聚而歸之人能謙則其居尊者其德愈光其居卑者人亦莫能過此君子所以有終也

豫剛

應而志行順以動豫

以卦體卦德釋卦名義

豫順以動故天地如

之而況建侯行師乎

以卦德釋卦辭

天地以順動故日月不過

而四時不忒聖人以順動則刑罰清而民服豫之時義

大矣哉

極言之而贊其大也

隨剛來而下柔動而說隨

以卦變卦德釋

卦名義

大亨貞无咎而天下隨時

王肅本時作之今當從之釋卦辭言能如是則

天下之

所從也 隨時之義大矣哉

王肅本時字在之
字下今當從之

蠱剛上

而柔下巽而止蠱

以卦體卦變卦德釋卦名義
蓋如此則積弊而至於蠱矣

蠱元亨

而天下治也利涉大川往有事也先甲三日後甲三日

終則有始天行也

釋卦辭治蠱至於元亨則亂而復治
之象也亂之終治之始天運然也

臨剛浸而長

以卦體

說而順剛中而應

又以卦德卦
體言卦之善

大亨以正天之道也

當剛長之時又以此
善故其占如此也

至於八月有

凶消不久也

言雖天運之當然
然君子宜知所戒

大觀在上順而巽中正

以觀天下

以卦體卦德
釋卦名義

觀盥而不薦有孚顒若下觀而

化也

釋卦辭

觀天之神道而四時不忒聖人以神道設教

而天下服矣

極言觀之道也四時不忒天之所以為觀也神道設教聖人之所以為觀也

頤中有物曰噬嗑

以卦體釋卦名義

噬嗑而亨剛柔分動而明

雷電合而章柔得中而上行雖不當位利用獄也

又以卦名

卦體卦德二象卦變釋卦辭

賁亨

亨字疑衍

柔來而文剛故亨分剛上

而文柔故小利有攸往天文也

以卦變釋卦辭剛柔之交自然之象故曰天文

先儒說天文上當有剛柔交錯四字理或然也

文明以止人文也

又以卦德言之止謂各得

其觀乎天文以察時變觀乎人文以化成天下

極乎賁道之大

也 剝剝也柔變剛也

以卦體釋卦名義言柔進于陽變剛為柔也

不利有

攸往小人長也順而止之觀象也君子尚消息盈虛天

行也

以卦體卦辭德釋卦辭

復亨剛反

則亨則反

動而以順行是以出

入无疾朋來无咎

以卦德而言

反復其道七日來復天行也

陰陽消息天運然也

利有攸往剛長也

以卦體而言既生則漸長矣

復其見天

地之心乎

積陰之下一陽復生天地生物之心幾於滅息而至此乃復可見在人則為靜極而動惡

極而善本心幾息而復見之端也程子論之詳矣而邵子之詩亦曰冬至予之半天心无改移一陽初動處萬

物未生時玄酒味方淡大音聲正希此言如不信更請問包犧至哉言也學者宜盡心焉

无妄剛

自外來而為主於內動而健剛中而應大亨以正天之

命也其匪正有眚不利有攸往无妄之往何之矣天命

不佑行矣哉

以卦變卦德卦體言卦之善如此故其占當從大亨而利於正乃天命之當然也其

有不正則不利有所往欲何往哉蓋其逆天之命而天不利之故不可以有行也

大畜剛健

篤實輝光日新其德

以卦德釋卦名義

剛上而尚賢能止健大

正也

以卦變卦體釋卦辭

不家食吉養賢也

亦取尚賢之象

利涉大川應

乎天也

亦以卦體而言

頤貞吉養正則吉也觀頤觀其所養也

自求口實觀其自養也

釋卦辭

天地養萬物聖人養賢以

及萬民頤之時大矣哉

極言養道而贊之

大過大者過也

以卦體釋

卦名棟橈本末弱也

復以卦體卦辭本謂初未謂上弱謂陰柔

剛過而中巽

而說行利有攸往乃亨

又以卦體卦體釋卦辭

大過之時大矣哉

大過之時非有大過人之材不能濟也故歎其大

習坎重險也

釋卦名義

水流而

不盈行險而不失其信

以卦象釋有孚之義言內實而行有常也

惟心亨乃

以剛中也行有尚往有功也

以剛在中心亨之象如是而往必有功也

天險

不可升也地險山川丘陵也王公設險以守其國險之

時用大矣哉

極言之而贊其大也

離麗也日月麗乎天百穀草

木麗乎土重明以麗乎正乃化成天下

釋卦名義

柔麗乎中

正故亨是以畜牝牛吉也

以卦體釋卦辭

原本周易本義卷三

欽定四庫全書

原本周易本義卷四

宋 朱熹 撰

周易彖下傳

咸感也

釋卦名義

柔上而剛下二氣感應以相與止而說男下女是

以亨利貞取女吉也

以卦體卦德卦象釋卦辭或以卦變言柔上剛下之義曰咸自旅來柔上居六剛下居五也亦通

天地感而萬物化生聖人感人心而天下和平觀其所感而天

地萬物之情可見矣

極言感通之理

恒久也剛上而柔下雷風相

與巽而動剛柔皆應恒

以卦體卦德卦德釋卦名義或以卦變言剛上柔下之義曰恒自豐來剛上居二柔

下居初也亦通

恒亨无咎利貞久於其道也天地之道恒久而不已也

恒固能亨且無咎矣然必利於正乃為久於其道不正則久非其道矣天地之道所以長久亦以正而已矣

利有攸往終則有始也

久於其道終也利有攸往始也動靜相生循環之理然必靜為

主也日月得天而能久照四時變化而能久成聖人久於

其道而天下化成觀其所恒而天地萬物之情可見矣

極言恒久之道

遯亨遯而亨也剛當位而應與時行也

以九五一

又釋小利貞浸而長也

以下二陰釋小利貞

遯之時義大矣哉

陰方

浸長處之為難故

大壯大者壯也剛以動故壯

釋卦名義

以卦體言則陽長過中者壯也

大壯利貞大者正也

正大而天地之情可見矣

釋利貞之義而極言之

晉進也

釋卦名義

明出地上順而麗乎大明柔進而上行是以康侯用錫

馬蕃庶晝日三接也

以卦象卦德卦變釋卦辭

明入地中明夷

以卦

彖釋卦名

內文明而外柔順以蒙大難文王以之

以卦德釋卦義蒙大

難謂遭紂之利艱貞晦其明也內難而能正其志箕子

以之

以六五一爻之義釋卦辭內難謂為紂近親在其國內如六五之近於上六也

家人女

正位乎內男正位乎外男女正天地之大義也

以卦體九五六

二釋利女貞之義

家人有嚴君焉父母之謂也

亦謂二五

父父子子

兄兄弟弟夫夫婦婦而家道正正家而天下定矣

上父初子

五三夫四二婦五兄三弟以卦畫推之又有此象

睽火動而上澤動而下二

女同居其志不同行

以卦象釋卦名義

說而麗乎明柔進而上

行得中而應乎剛是以小事吉

以卦德卦變卦體釋卦辭

天地睽而

其事同也男女睽而其志通也萬物睽而其事類也睽

之時用大矣哉

極言其理而贊之

蹇難也險在前也見險而

能止知矣哉

以卦德釋卦名義而贊其美

蹇利西南往得中也不利

東北其道窮也利見大人往有功也當位貞吉以正邦

也蹇之時用大矣哉

以卦變卦體釋卦辭而贊其時用之大也

解險以動

動而免乎險解

以卦德釋卦名義

解利西南往得衆也其來復

吉乃得中也有攸往夙吉往有功也

以卦變釋卦辭坤為衆得衆謂九四

入坤體得中有功皆指九二

天地解而雷雨作雷雨作而百果草木

皆甲坼解之時大矣哉

極言而贊其大也

損損下益上其道

上行

以卦體釋卦名義

損而有孚元吉无咎可貞利有攸往曷

之用二簋可用享二簋應有時損剛益柔有時損益盈

虛與時偕行

此釋卦辭時謂當損之時

益損上益下民說无疆自

上下下其道大光

以卦體釋卦名義

利有攸往中正有慶利涉

大川木道乃行

以卦體卦象釋卦辭

益動而巽日進无疆天施地

生其益无方凡益之道與時偕行

動巽二卦之德乾下施坤上生亦上文卦

體之義又以此極言贊益之大

夬決也剛決柔也健而說決而和

卦釋

名義而贊其德

揚于王庭柔乘五剛也孚號有厲其危乃光也

告自邑不利即戎所尚乃窮也利有攸往剛長乃終也

此釋卦辭柔乘五剛以卦體言謂以一小人加于衆君子之上是其罪也剛長乃終謂一變即為純乾

姤遇也柔遇剛也

釋卦名

勿用取女不可與長也

釋卦辭

天

地相遇品物咸章也

以卦體言

剛遇中正天下大行也

指九五

姤之時義大矣哉

幾微之際聖人所謹

萃聚也順以說剛中而

應故聚也

以卦德卦體釋卦名義

王假有廟致孝享也利見大人

亨聚以正也用大牲吉利有攸往順天命也

釋卦辭

觀其

所聚而天地萬物之情可見矣

柔以時升

以卦變釋卦名

巽

而順剛中而應是以大亨

以卦德卦體釋卦辭

用見大人勿恤有

慶也南征吉志行也

困剛揜也

以卦體釋卦名

險以說困而

不失其所亨其唯君子乎貞大人吉以剛中也有言不

信尚口乃窮也

以卦德卦體釋卦辭

巽乎水而上水井井養而

不窮也

以卦象釋卦名義

改邑不改井乃以剛中也汔至亦未

繙井未有功也羸其絀是以凶也

以卦體釋卦辭无喪无得往來井井兩句意與

不改井同故不復出剛中以二五而言未有功而敗其絀所以凶也

羣水火相息二女

同居其志不相得曰革

以卦象釋卦名義大畧與睽相似然以相違而為睽相息而為

革也息滅息也又為生息之義滅息而後生息也

已日乃孚革而信之文明以

說大亨以正革而當其悔乃亡

以卦德釋卦辭

天地革而四時

成湯武革命順乎天而應乎人革之時大矣哉

極言而贊其大

鼎象也以木巽火亨飪也聖人亨以享上帝而大亨

以養聖賢

以卦體二象釋卦名義因極其大而言之享帝貴誠用情而已養賢則養德牢禮當極其盛

故曰大亨

巽而耳目聰明柔進而上行得中而應乎剛是以

元亨

以卦象卦變卦體釋卦辭

震亨

震有亨道不待言也

震雷虩虩恐致福

也笑言啞啞後有則也

恐致福恐懼以致福也則法也

震驚百里驚遠

而懼邇也出可以守宗廟社稷以為祭主也

程子以為通也下脫

不喪七屯四字今從文出謂繼世而主祭也或云出即屯字之誤

艮止也時止則止

時行則行動靜不失其時其道光明

此釋卦名艮之義則止也然行止各

有其時故時止而止止也時行而行亦止也艮體篤實故又有光明之義大畜於艮亦以輝光言之

艮其

止止其所也上下敵應不相與也是以不獲其身行其

庭不見其人无咎也

此釋卦體易背為止以明背即止也背者止之所也以卦體言内外

之卦陰陽敵應而不相與也不相與則內不見已外不見人而无咎矣鼎氏云艮其止當依卦辭作背

漸

之進也女歸吉也

之字疑衍或是漸字

進得位往有功也進以正

可以正邦也

以卦變釋利貞之意蓋此卦之變自渙而來九進居三自旅而來九進居五皆為得

位之

其位剛得中也

以卦體言謂九五

止而巽動不窮也

以卦德言

漸進之義

歸妹天地之大義也天地不交而萬物不興歸

妹人之終始也

釋卦名義也歸者女之終生育者人之始

說以動所歸妹也

又以卦德言之

征凶位不當也无攸利柔乘剛也

又以卦體釋卦辭男女之

交本皆正理惟若此卦則不得其正也

豐大也明以動故豐

以卦德釋卦名義

王假之尚大也勿憂宜日中宜照天下也

釋卦辭

日中則

昊月盈則食天地盈虛與時消息而況於人乎況於鬼

神乎

此又發明卦辭外意言不可過中也

旅小亨柔得中乎外而順乎

剛止而麗乎明是以小亨旅貞吉也

以卦體卦辭

旅之時

義大矣哉

旅之時為難處

重巽以申命

釋卦義也巽順而入必究乎下命令之象

重巽故為申命也

剛巽乎中正而志行柔皆順乎剛是以小亨

利有攸往利見大人

以卦體釋卦辭剛巽乎中正而志行指九五柔謂初四

兌

說也

釋卦名義

剛中而柔外說以利貞是以順乎天而應乎

人說以先民民忘其勞說以犯難民忘其死說之大民

勸矣哉

以卦體釋卦辭而極言之

渙亨剛來而不窮柔得位乎外

而上同

以卦變釋卦辭

王假有廟王乃在中也

中謂廟中

利涉大川

乘木有功也

節亨剛柔分而剛得中

以卦體釋卦辭

苦節不可

貞其道窮也

又以理言

說以行險當位以節中正以通

又以卦德

卦體言之當位中正指五又坎為通

天地節而四時成節以制度不傷財

不害民

極言節道

中孚柔在内而剛得中說而巽亨乃化

邦也

以卦體卦德釋卦名義

豚魚吉信及豚魚也利涉大川乘木

舟虛也

以卦象言

中孚以利貞乃應乎天也

信而正則應乎天矣

小

過小者過而亨也

以卦體釋卦名義與其辭

過以利貞與時行也柔

得中是以小事吉也

以二五言

剛失位而不中是以不可大

事也

以三
四言

有飛鳥之象焉飛鳥遺之音不宜上宜下大

吉上逆而下順也

以卦
體言

既濟亨小者亨也

濟下疑
脫小字

利

貞剛柔正而位當也

以卦
體言

初吉柔得中也

指六

終止則

亂其道窮也

未濟亨柔得中也

指九
五言

小狐汔濟未出

中也濡其尾无攸利不續終也雖不當位剛柔應也

原本周易本義卷四

欽定四庫全書

原本周易本義卷五

宋 朱熹 撰

周易象上傳

象者卦之上下兩象及兩象之六爻周公所繫之辭也

天行健君子以自強不息

天乾卦之象也凡重卦皆取重義此獨不然者天一而已但言天行則見其一

日一周而明日又一周若重複之象非至健不能也君子法之不以人欲害其天德之剛則自強而不息矣潛龍勿用陽

在下也見龍在田德施普也終日乾乾反復道也

反復重複踐行之意或

躍在淵進无咎也

可以進而
不必進也

飛龍在天大人造也

造猶作也

亢龍有

悔盈不可久也用九天德不可為首也

言陽剛不可為物先故六
陽皆變而吉天行以下先

儒謂之大象潛龍以下
先儒謂之小象後放此

地勢坤君子以厚德載物

地坤之
象亦一

而已故不言重而言其勢之順則見其高
下相因之無窮至順極厚而無所不載也

履霜堅冰陰

始凝也馴致其道至堅冰也

按魏志作初六履霜
今當從之馴順習也

六二

之動直以方也不習无不利地道光也含章可貞以時

發也或從王事知光大也括囊无咎慎不害也黃裳元

吉文在中也

文在中而
見於外也

龍戰於野其道窮也用六永貞

以大終也

初階後陽
故曰大終

雲雷屯君子以經綸

坎不言水
而言雲者

未通之意經綸治絲之事經引之綸
理之也屯難之世君子有為之時也

雖盤桓志行正也

以貴下賤大得民也六二之難乘剛也十年乃字反常

也即鹿无虞以從禽也君子舍之往吝窮也求而往明

也屯其膏施未光也泣血漣如何可長也山下出泉

蒙君子以果行育德

泉水之始出者
必行而有漸也

利用刑人以正法

也

發蒙之初法不可不
正懲戒所以正法也

子克家剛柔接也

指二五
之應

勿用

取女行不順也困蒙之吝獨遠實也

順當作慎蓋順慎
古字通用荀子順

墨作慎墨且行不慎於經
意尤親切實協韻去聲

童蒙之吉順以巽也利用禦

寇上下順也

禦寇以剛上下皆得其道

雲上於天需君子以飲食

宴樂

雲上於天無所復為待具陰陽之和而自雨耳事之當需者亦不容更有所為但飲食宴樂俟其自

至而已一有所為則非需也

需于郊不犯難行也利用恒无咎未失

常也需于沙衍在中也雖小有言以吉終也

衍寬意以寬居中不

急進也需于泥災在外也自我致寇敬慎不敗也

外謂外卦敬慎

不敗發明占外之占聖人示人之意切矣

需于血順以聽也酒食貞吉以中

正也不速之客來敬之終吉雖不當位未大失也

以陰居上

是為當位言
不當位未詳

天與水違行訟君子以作事謀始

天上水下

其行相違作事謀始訟端絕矣

不永所事訟不可長也雖小有言其辯

明也不克訟歸逋竄也自下訟上患至掇也

掇自取也食舊

德從上吉也

從上吉謂隨人則吉明自主事則無成功也

復即命渝安貞不

失也訟元吉以中正也

中則聽不偏正則斷合理

以訟受服亦不足敬

也地中有水師君子以容民畜衆

水不外於地兵不外於民故能養民

則可以得衆矣

師出以律失律凶也在師中言承天寵也王

三錫命懷萬邦也師或輿尸大无功也左次无咎未失

常也

知難而退
師之常也

長子帥師以中行也弟子與尸使不當

也大君有命以正功也小人勿用必亂邦也

聖人之
戒深矣

地上有水比先王以建萬國親諸侯

地地上有水水比於
地不容有間建國

親諸侯亦先王所以比於天下而無間
者也象意人來比我此取我往比人

比之初六有它

吉也比之自內不自失也

得正則不
自失矣

比之匪人不亦傷

乎外比於賢以從上也顯比之吉位正中也舍逆取順

失前禽也邑人不誡上使中也

田上之德
使不偏也

比之无首无

所終也

以上下之象言之則為无首以始終
之象言之則為无終无首則无終矣

風行天

上小畜君子以懿文德

風有氣而無質能畜而不能久故為小畜之象懿文德言未能

厚積而遠施也

復自道其義吉也牽復在中亦不自失也

亦者承上

義夫妻反目不能正室也

程子曰脫輜反目三自為也

有孚惕出上

合志也有孚攣如不獨富也既雨既處德積載也君子

征凶有所疑也上天下澤履君子以辨上下定民志

程傳

素履之往獨行願也幽人貞吉中不自亂也眇能

視不足以有明也跛能履不足以與行也啞人之凶位

不當也武人為于大君志剛也愬愬終吉志行也夬履

貞厲位正當也

傷於所恃

天地交泰后以財成天地之道

輔相天地之宜以左右民

財成以制其過輔相以補其不及

拔茅征吉

志在外也包荒得尚于中行以光大也无往不復天地

際也翩翩不富皆失實也不戒以孚中心願也

陰本居下在上

為失實以祉元吉中以行願也城復于隍其命亂也

命亂故復

否告命所以治之也

天地不交否君子以儉德辟難不可榮以

祿

取歛其德不形於外以辟小人之難人不得以祿位榮之

拔茅征吉志在君也

小人

而變為君子則能以愛君為念而不計其私矣

大人否亨不亂羣也

言不亂於小人之羣

包羞位不當也有命无咎志行也大人之吉位正當也

否終則傾何可長也 天與火同人君子以類族辨物

天在上而火炎上其性同也類族辨物所以審異而致同也

出門同人又誰咎也同

人于宗吝道也伏戎于莽敵剛也三歲不興安行也

不言

能行乘其墉義弗克也其吉則困而反則也

乘其墉矣則非其力之不

足也特以義之弗克而不攻耳能以義斷困而反於法則故吉也

同人之先以中直也

大師相遇言相克也

直謂理直

同人于郊志未得也 火在

天上大有君子以遏惡揚善順天休命

火在天上所照者廣為大有之

象所有既大無以治之則繁孽萌于其間矣天命有善而無惡故遏惡揚善所以順天反之於身亦若是而已

大有初九无交害也大車以載積中不败也公用亨

于天子小人害也匪其彭无咎明辨哲也哲明貌厥孚交

如信以發志也一人之信足以發上下之志也威如之吉易而无備也

太柔則人將易之而无畏備之心大有上吉自天祐也地中有山謙

君子以裒多益寡稱物平施以卑臨高謙之象也裒多益寡所以稱物之宜而平

其施損高增卑以趣謙謙君子卑以自牧也鳴謙貞吉於平亦謙之意也

中心得也勞謙君子萬民服也无不利撝謙不違則也

言不為過利用侵伐征不服也鳴謙志未得也可用行師征

邑國也

陰柔无位才力不足故其志未得而至
於行師然亦適足以治其私邑而已

雷出

地奮豫先王以作樂崇德殷薦之上帝以配祖考

雷出地奮

和之至也先王作樂既象其聲又取其義殷盛也

初六鳴豫志窮凶也

窮謂滿極

不

終日貞吉以中正也盱豫有悔位不當也由豫大有得志

大行也六五貞疾乘剛也恒不死中未亡也冥豫在上何

可長也

澤中有雷隨君子以嚮晦入晏息

雷藏澤中隨時休息

官有渝從正吉也出門交有功不失也係小子弗兼與

也係丈夫志舍下也隨有獲其義凶也有孚在道明功

也孚于嘉吉位正中也拘係之上窮也

窮極也

山下有

風蠱君子以振民育德

山下有風物壞而有事矣而事莫大於二者乃治已治人之道

也幹父之蠱意承考也幹母之蠱得中道也幹父之蠱

終无咎也裕父之蠱往未得也幹父用譽承以德也不

事王侯志可則也

澤上有地臨君子以教思無窮容

保民无疆

地臨於澤上臨下也二者皆臨下之事教之无窮者兌也容之无疆者坤也

咸臨

貞吉志行正也咸臨吉无不利未順命也

未詳

甘臨位不

當也既憂之咎不長也至臨无咎位當也大君之宜行

中之謂也敦臨之吉志在內也風行地上觀先王以

省方觀民設教省方以觀民初六童觀小人道也闕觀女

貞亦可醜也在丈夫則可醜也觀我生進退未失道也觀國之

光尚賓也觀我生觀民也此夫子以義言之明人君觀

當觀民德之善否以自省察也觀其生志未平也志未平言雖不得

雷電噬嗑先王以明罰敕法雷電當作雷雷屢校滅趾不行也

滅趾又有不噬膚滅鼻乘剛也遇毒位不當也利艱貞

吉未光也貞厲无咎得當也何校滅耳聰不明也

滅耳蓋罪

其聽之不聰也若能審聽而早圖之則无此凶矣

山下有火賁君子以明庶

政无敢折獄

山下有火明不及遠明庶政事之小者折獄事之大者內離明而外艮止故取象如

此

舍車而徒義弗乘也

君子之取舍決於義而已

賁其須與上興也

永貞之吉終莫之陵也六四當位疑也匪寇婚媾終无

尤也

當位疑謂所當之位可疑也終无尤謂若守正而不與亦无他患也

六五之吉有喜

也白賁无咎上得志也

山附於地剥上以厚下安宅

剥牀以足以滅下也剥牀以辨未有與也

言未大盛

剥之无

咎失上下也

上下謂四陰

剥牀以膚切近災也以宮人寵終

无尤也君子得輿民所載也小人剥廬終不可用也

雷在地中復先王以至日閉關商旅不行后不省方

安靜

以養微陽也月令是月齋戒掩身以待陰陽之所定

不遠之復以修身也休復之

吉以下仁也頻復之厲義无咎也中行獨復以從道也

敦復无悔中以自考也

考成也

迷復之凶反君道也

天

下雷行物與无妄先王以茂對時育萬物

天下雷行震動發生萬物

各正其性命是物物而與之以无妄也先王法此以對時育物因其所性而不為私焉

无妄之往

得志也不耕獲未富也

富如非富天下之富言非計其利而為之也

行人得

牛邑人災也可貞无咎固有之也

有猶守也

无妄之藥不可

試也

既已无妄而復藥之則反為妄而生疾矣試謂少嘗之也

无妄之行窮之災也

天在山中大畜君子以多識前言往行以畜其德

在天

山中不必實有是事但以其象言之耳

有厲利已不犯災也興說輟中无

尤也利有攸往上合志也六四元吉有喜也六五之吉

有慶也何天之衢道大行也

山下有雷順君子以慎

言語節飲食

二者養德貴身之功務

觀我朵頤亦不足貴也六二

征凶行失類也

初上皆非其類也

十年勿用道大悖也顛頤之

吉上施光也居貞之吉順以從上也由頤厲吉大有慶

也澤滅木大過君子以獨立不懼遯世无悶

澤滅於木大過

之象也不懼无悶大過之行也

藉用白茅柔在下也老夫女妻過以相

與也棟橈之凶不可以有輔也棟隆之吉不橈乎下也

枯楊生華何可久也老婦士夫亦可醜也過涉之凶不

可咎也水洊至習坎君子以常德行習教事

治已治人皆必

重習然後熟而安之

習坎入坎失道凶也求小得未出中也來之

坎坎終无功也樽酒簋剛柔際也

陸氏釋文本无
貳字今從之

坎不

盈中未大也

有中德
而未大

上六失道凶三歲也

明兩作離

大人以繼明照于四方也

作起

履錯之敬以辟咎也黃離

元吉得中道也日昃之離何可久也突如其來如无

容也

无所容言
焚死弃也

六五之吉離王公也王用出征以正邦

也

原本周易本義卷五

欽定四庫全書

原本周易本義卷六

宋 朱熹 撰

周易象下傳

山上有澤咸君子以虛受人

山上有澤以虛而通也

咸其拇志在外也雖

凶居吉順不害也咸其股亦不處也志在隨人所執下也

言亦皆因

前二爻皆欲動而云也二爻陰躁其動也宜九三陽剛居止之極宜靜而動可吝之甚也

貞吉悔亡未感害也

憧憧往來未光大也

感言言不正而感則有害也

咸其脢志末也

志末謂不能感物

咸其輔頰舌滕口說也

滕通騰

雷風恒君子以立不易方浚

恒之凶始求深也九二悔亡能久中也不恒其德无所容也久

非其位安得禽也婦人貞吉從一而終也夫子制義從婦凶

也振恒在上大无功也 天下有山遯君子以遠小人不

惡而嚴

天體无窮山高有限遯之象也嚴者君子自守之常而小人自不能近

遯尾之厲

不往何災也執用黃牛固志也係遯之厲有疾憊也畜

臣妾吉不可大事也君子好遯小人否也嘉遯貞吉以

正志也肥遯无不利无所疑也 雷在天上大壯君子

以非禮勿履

自勝者強

壯于趾其孚窮也

言必困窮

九二貞吉以

中也小人用壯君子罔也

小人以壯敗君子以困困

藩决不羸尚往

也喪羊于易位不當也不能退不能遂不詳也艱則吉

咎不長也

明出地上晉君子以自昭明德

昭明之也

晉如

摧如獨行正也裕无咎未受命也

初居下位未受命

受茲介

福以中正也衆允之志上行也鼫鼠貞厲位不當也失

得勿恤往有慶也維用伐邑道未光也

明入地中明

夷君子以泣衆用晦而明君子于行義不食也

唯義所在不食

也可六二之吉順以則也南狩之志乃大得也入于左腹

獲心意也箕子之貞明不可息也初登于天照四國也

照四國以位言後入于地失則也風自火出家人君子以言

有物而行有恒身修則家治矣閑有家志未變也志未變而豫防之六

二之吉順以巽也家人嗃嗃未失也婦子嘻嘻失家節

也富家大吉順在位也王假有家交相愛也程子曰夫愛其內助

婦愛其刑家威如之吉反身之謂也謂非作威也反身自治則人畏服之矣

上火下澤睽君子以同而異二卦合體而性不同見惡人以辟咎

也遇主于巷未失道也

本具正應非有邪也

見輿曳位不當也无

初有終遇剛也交孚无咎志行也厥宗噬膚往有慶也

遇雨之吉羣疑亡也 山上有水蹇君子以反身修德

往蹇來譽宜待也王臣蹇蹇終无尤也

事雖不濟亦無可尤

往蹇

來反內喜之也往蹇來連當位實也大蹇朋來以中節

也往蹇來碩志在內也利見大人以從貴也 雷雨作解

君子以赦過宥罪剛柔之際義无咎也九二貞吉得中

道也負且乘亦可醜也自我致戎又誰咎也解而拇未

當位也君子有解小人退也公用射隼以解悖也 山

下有澤損君子以懲忿窒慾

君子修身所當損者莫切于此

已事遄往

尚合志也

尚上通

九二利貞中以爲志也一人行三則疑

也損其疾亦可喜也六五元吉自上祐也弗損益之大

得志也

風雷益君子以見善則遷有過則改

風雷之勢交相

助益遷善改過益之大者而具相益亦猶是也

元吉无咎下不厚事也

下本不當任厚

事故不如是不足以塞咎也

或益之自外來也

或者衆無定主之辭

益用凶事

固有之也

益用凶事欲其用心衡慮而固有之也

告公從以益志也有孚

惠心勿問之矣惠我德大得志也莫益之偏辭也或擊

之自外來也

莫益之者猶從其求益之偏辭而言也若究而言之則又有擊之者矣

澤

上于天夫君子以施祿及下居德則忌

澤上于天潰決之勢也施祿及

下潰決之意也居德則忌未詳

不勝而往咎也有戎勿恤得中道也君

子央央終无咎也其行次且位不當也聞言不信聰不

明也中行无咎中未光也

程傳備矣

无號之凶終不可長也

天下有風始后以施命誥四方繫于金柅柔道牽也

牽進也以具進故止之

包有魚義不及賓也其行次且行未牽也

无魚之凶遠民也

民之去已由已遠之

九五含章中正也有隕自

天志不舍命也姤其角上窮吝也澤上於地萃君子

以除戎器戒不虞

除者修而聚之之謂

乃亂乃萃其志亂也引吉

无咎中未變也往无咎上巽也大吉无咎位不當也萃

有位志未光也

未光謂匪孚

齋咨涕洟未安上也地中生

木升君子以順德積小以高大

王肅本順作慎今按它書引此亦多作慎意尤

明白蓋古字通用也說見上篇蒙卦

允升大吉上合志也九二之孚有喜

也升虛邑无所疑也王用亨于岐山順事也

以順而升登祭于山

之貞吉升階大得志也冥升在上消不富也 澤无水

困君子以致命遂志

水下湍則澤上枯故曰澤无水致命猶言授命言持以與人而不之

有也能如是則雖困而亨矣

入于幽谷幽不明也困于酒食中有慶

也據于蒺藜乘剛也入于其宮不見其妻不祥也來徐

徐志在下也雖不當位有與也剝剝志未得也乃徐有

說以中直也利用祭祀受福也困于葛藟未當也動悔

有悔吉行也

木上有水井君子以勞民勸相

木上有水津潤

上行井之象也勞民者以居養民勸相者使民相養皆取井養之義

井泥不食下也舊井

无禽時舍也

言為時所棄

井谷射鮒无與也井渫不食行惻

也求王明受福也

行惻者行道之人皆以為惻也

井甃无咎修井也寒

泉之食中正也元吉在上大成也澤中有火革君子

以治歷明時

四時之變革之大者

輦用黃牛不可以有為也已日

革之行有嘉也輦言三就又何之矣

言已審

改命之吉信

志也大人虎變其文炳也君子豹變其文蔚也小人革

面順以從君也

木上有火鼎君子以正位凝命

鼎重器也

故有正位凝命之意凝猶至道不凝為之凝傳所謂協于上下以承天休者也鼎顛趾未悖也

利出否以從貴也

非而顛趾悖道也而因可出否以從貴則未為悖也從貴謂應四亦為取

新之

鼎有實慎所之也我仇有疾終无尤也

有實而不謹其所往

則為仇所即而陷于惡矣

鼎耳革失其義也覆公餗信如何也

言失信也

鼎黃耳中以為實也玉鉉在上剛柔節也

洊雷震君

子以恐懼修省震來虩虩恐致福也笑言啞啞後有則

也震來厲乘剛也震蘇蘇位不當也震遂泥未光也震

往來厲危行也其事在中大无喪也震索索中未得也

雖山无咎畏鄰戒也

中謂中心

兼山艮君子以思不出其

位良其趾未失正也不極其隨未退聽也

三止乎上亦不肯退而聽

乎二也良其限危熏心也良其身止諸躬也良其輔以中

正也

正字義文協韻可見

敦良之吉以厚終也

山上有木漸君

予以居賢德善俗

二者皆當以漸而進疑賢字衍或善下有脫字

小子之厲義

无咎也飲食衎衎不素飽也

素飽如詩素飧得之以道則不為徒飽而處之安矣

夫征不復離羣醜也婦孕不育失其道也利用禦寇順

相保也或得其桷順以巽也終莫之勝吉得所願也其

羽可用為儀吉不可亂也

漸進愈高而不為无用其志卓然豈可得而亂哉

澤上有雷歸妹君子以永終知敝

雷動澤隨歸妹之象君子觀其合之不正

知其終之有敝也推之事物莫不皆然

歸妹以娣以恒也跛能履吉相承

也

恒謂有常久之德

利幽人之貞未變常也歸妹以須未當也

愆期之志有待而行也帝乙歸妹不如其娣之袂良也

其位在中以貴行也

以其有中德之貴而行故不尚飾

上六無實承虛

筐也

雷電皆至豐君子以折獄致刑

取其威照並行之象

雖旬

无咎過旬災也

戒占者不可求勝其配亦之解外意

有孚發若信以發志

也豐其沛不可大事也折其右肱終不可用也豐其蔀

位不當也日中見斗幽不明也遇其夷主吉行也六五

之吉有慶也豐其屋天際翔也闕其戶闐其无人自藏

也

藏謂
障蔽

山下有火旅君子以明慎用刑而不留獄

謹刑

如山不
留如火

旅瑣瑣志窮災也得童僕貞終无尤也旅焚其

次亦已傷矣以旅與下其義喪也

以旅之時而與下之
道如此義常喪也

旅于處未得位也得其資斧心未快也終以譽命上

速也

上速言其譽
命聞于上也

以旅在上其義焚也喪牛于易終莫

之聞也隨風巽君子以申命行事

隨相繼
之義

進退志疑

也利武人之貞志治也紛若之吉得中也頻巽之吝志

窮也田獲三品有功也九五之吉位正中也巽在牀下

上窮也喪其資斧正乎凶也

正乎凶言必凶

麗澤兌君子以朋

友講習

兩澤相麗互相滋益朋友講習其象如此

和兌之吉行未疑也

居卦之初

其說也正未有所疑也

孚兌之吉信志也來兌之凶位不當也九

四之喜有慶也孚于剝位正當也

與復九五同

上六引兌未

光也

風行水上渙先王以享于帝立廟

皆所以合其散

初六

之吉順也渙奔其机得願也渙其躬志在外也渙其羣

元吉光大也王居无咎正位也渙其血遠害也 澤上

有水節君子以制數度議德行不出戶庭知通塞也不

出門庭凶失時極也不節之嗟又誰咎也

此无咎與諸文異言无所

歸咎也安節之亨承上道也甘節之吉居位中也苦節貞

凶其道窮也 澤上有風中孚君子以議獄緩死

風感水受

中孚之象議獄緩死中孚之意初九虞吉志未變也其子和之中心願

也或鼓或罷位不當也馬匹亡絕類上也有孚攣如位

當也翰音登于天何可長也 山上有雷小過君子以

行過乎恭喪過乎哀用過乎儉

山上有雷其聲小過三
者之過皆小者之過可

過於小而不可過於大可以小過而不
可甚過彖所謂可小事而宜下者也

飛鳥以凶不可

如何也不及其君臣不可過也

所以不及君而還過臣
者以臣不可過故也

從或戕之凶如何也弗過遇之位不當也往厲必戒終

不可長也

文義未明
此亦當闕

密雲不雨已上也

已上太
高也

弗過過

之已亢也

水在火上既濟君子以思患而預防之曳

其輪義尤咎也七日得以中道也三年克之憊也終日

戒有所疑也東鄰殺牛不如西鄰之時也實受其福吉

大來也濡其首厲何可久也 火在水上未濟君子以

慎辨物居方

水火異物各居其所故君子觀象而審辨之

濡其尾亦不知極

也

極字未詳考上下韻亦不叶或恐是敬字今且闕之

九居

二本非正以中故得正也

未濟征凶位不當也貞吉悔亡志行也君

子之光其暉吉也

暉者光之散也

飲酒濡首亦不知節也

原本周易本義卷六

欽定四庫全書

原本周易本義卷七

宋 朱熹 撰

周易繫辭上傳

繫辭本謂文王周公所作之辭繫于卦爻之下者即今經大此篇乃孔子所述繫辭之傳也以其通論一經之大體凡例故無經可附而自分上下云

天尊地卑乾坤定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地成形變

欽定四庫全書

卷七

化見矣

天地者陰陽形氣之實體乾坤者易中純陰純陽之卦名也卑高者天地萬物上下之位貴賤者易中卦爻上下之位也

動者陽之常靜者陰之常剛柔者易中卦爻陰陽之稱也方謂事情所向言事物善惡各以類分而吉凶者易中卦爻占決之辭也

象者日月星辰之屬形者山川動植之屬變化者易中蓍策卦爻陰變為陽陽化為陰者也此言聖人作易因陰陽之實體為卦爻

之法象莊周所謂易以道陰陽此之謂也

是故剛柔相摩八卦相盪

此言易卦之變化也六十

四卦之初剛柔兩畫而已兩相摩而為四四相摩而為八八相盪而為六十四

鼓之以雷霆潤之以風雨

日月通行一寒一暑

此變化之成象者

乾道成男坤道成女

此變

化之成形者此兩節又明易之見於實體者與上文相發明也

乾知大始坤作成物

知猶

主也乾主始物而坤作成之承上文男女而言乾坤之理蓋凡物之屬乎陰陽者莫不如此大抵陽先陰後陽

施陰受陽之輕清未乾以易知坤以簡能乾健而動即其所知便能

形而陰之重濁有迹始物而無所難故為以易而知太始坤順而靜凡易則其所能皆從乎陽而不自作故為以簡而能成物

易知簡則易從易知則有親易從則有功有親則可久

有功則可大可久則賢人之德可大則賢人之業人之所為

如乾之易則其心明白而人易知如坤之簡則其事要約而人易從易知則與之同心者多故有親易從則與

之協力者衆故有功有親則一於內故可久有功則原於外故可大德謂得於己者業謂成於事者上言乾坤

之德不同此言人法乾坤易簡而天下之理得矣天下

之理得而成位乎其中矣成位謂成人之位具中謂天地之中至此則體道之極功

聖人之能事可以與天地參矣此第一章以造化之實明作經之理又言乾坤之理分見於天地而人兼體之

也
聖人設卦觀象繫辭焉而明吉凶象者物之似也此言聖人作易

觀卦爻之象剛柔相推而生變化言卦爻陰陽迭相推而繫以辭也

剛柔相推而生變化言卦爻陰陽迭相推而繫以辭也
是故吉凶者失得之象也

悔吝者憂虞之象也言山悔吝者易之辭也失得憂虞者事之變也得則吉失則凶憂虞

雖未至凶然已足以致悔而取羞矣蓋吉凶相對而悔吝居其中間悔自凶而趨吉吝自吉而向凶也故聖人

觀卦爻之中或有此象變化者進退之象也剛柔者晝夜

之象也六爻之動三極之道也柔變而趨於剛者退極而進也剛化而趨於柔

者進極而退也既變而剛則晝而陽矣既化而柔則夜而陰矣六爻初二為地三四為人五上為天動即變化也極至也三極天地人之至理三才各一太極也此明剛柔相推以生變化而變化之極獲為剛柔流行於一卦六爻之間而占者得因所值以斷吉凶也

是故君子所居而安者易之序也所樂而玩者爻之辭也

易之序謂卦爻所著事理當然之次第玩者觀之詳

是

故君子居則觀其象而玩其辭動則觀其變而玩其占

是以自天祐之吉无不利

象辭變已見上凡單言變者化在其中占謂其所值吉凶

之決也

此第二章言聖人作易君子學易之事

彖者言乎象者也爻者言乎

變者也

彖謂卦辭文王所作者爻謂爻辭周公所作者象指全體而言變指一節而言

吉凶者

言乎其失得也悔吝者言乎其小疵也无咎者善補過

也

此卦爻辭之通例

是故列貴賤者存乎位齊小大者存乎卦

辨吉凶者存乎辭

位謂六爻之位齊猶定也小謂陰大謂陽

憂悔吝者存乎

介震无咎者存乎悔

介謂辨別之端蓋善惡已動而未形之時也於此憂之則不至於悔

吝矣震動也知悔則有以動其補過之心而可以无咎矣

是故卦有小大辭有險易

辭也者各指其所之

小險大易各隨所向第三章釋卦爻辭之通例

易與

天地準故能彌綸天地之道

易書卦爻具有天地之道與之齊準彌如彌縫之彌

有終竟聯合之意綸有選擇條理之意

仰以觀於天文俯以察於地理是

故知幽明之故原始反終故知死生之說精氣為物游

魂為變是故知鬼神之情狀

此窮理之事以者聖人以易之書也易者陰陽而已幽明

死生鬼神皆陰陽之變天地之道也天文則有晝夜上下地理則有南北高深原者推之於前反者要之於後陰精陽氣聚而成物神之申也與天地相似故不違知

周乎萬物而道濟天下故不過旁行而不流樂天知命

故不憂安土敦乎仁故能愛

此聖人盡性之事也天地之道知仁而已知周萬物

者天也道濟天下者也知且仁則知而不過矣旁行者行權之知也不流者守正之仁也既樂天理而又知天命故能無憂而具知益深隨處皆安而無一息之不知仁故能不忘其濟物之心而仁益篤蓋仁者愛之理愛

者仁之用故其範圍天地之化而不過曲成萬物而不相為表裏如此

遺通乎晝夜之道而知故神无方而易无體

此聖人至命之事也

範如鑄金之有模範圍匡郭也天地之化無窮而聖人為之範圍不使過於中道所謂裁成者也通猶兼也晝夜即幽明死生鬼神之謂如此然後可見至神之妙無有方所易之變化無有形體也此第四章言易道之大聖人用之如此 一陰一陽之謂道 陰陽迭運者氣也其理則所謂道 繼之

者善也成之者性也

道具於陰而行乎陽繼言其發也善謂化育之功陽之事也成言其

具也性謂物之所受言物生則有性而各具是道也陰之事也周子程子之書言之備矣 仁者見之

謂之仁知者見之謂之知百姓日用而不知故君子之

道鮮矣

仁陽知陰各得是道之一隅故隨其所見而目為全體也日用不知則莫不飲食鮮能知味者

又其每下者也然亦莫不有是道焉或曰上章以知屬乎天仁屬乎地與此不同何也曰彼以清濁言此以動

靜言顯諸仁藏諸用鼓萬物而不與聖人同憂盛德大業

至矣哉

顯自內而外也仁謂造化之功德之發也藏自外而內也用謂機械之妙業之本也程子曰天

地無心而成化聖人有心而無為

富有之謂大業日新之謂盛德

張子曰富

有者大無外日新者久無窮

生生之謂易

陰生陽陽生陰其變無窮理與書皆然也

成象

之謂乾效法之謂坤

效呈也法謂造化之詳密而可見者

極數知來之謂

占通變之謂事

占筮也事之未定者屬乎陰也極數知來所也占之已決者屬乎陽也事行

以通事之變張忠定公言
公事有陰陽意蓋如此

陰陽不測之謂神

張子曰兩
在故不測

此第五章言道之體用不外乎陰陽
而其所以然者則未嘗倚於陰陽也

夫易廣矣大矣

以言乎遠則不禦以言乎邇則靜而正以言乎天地之

間則備矣

不禦言無盡靜而正言即
物而理存備言无所不有

夫乾其靜也專其

動也直是以大生焉夫坤其靜也翕其動也闢是以廣

生焉

乾坤各有動靜於其四德見之靜體而動用靜別
而動交也乾一而實故以質言而曰大坤二而虛

故以量言而曰廣蓋天之形雖包於地之外而廣大配
其氣常行乎地之中也易之所以廣大者以此廣大配

天地變通配四時陰陽之義配日月易簡之善配至德

易之廣大變通與其所言陰陽之說易簡之德配之天道人事則如此

此第六章

子曰易其

至矣乎夫易聖人所以崇德而廣業也知崇禮卑宗效

天卑法地

十翼皆夫子所作不應自著子曰字疑後人所加也窮理則知崇如天而德崇循理則禮卑

如地而業廣此其取類又以清濁言也

天地設位而易行乎其中矣成性

存存道義之門

天地設位而變化行猶知禮存性而道義出也成性本成之性也存存謂存而

又存不已之意也此第七章

聖人有以見天下之賾而擬諸其形

容象其物宜是故謂之象

順雜亂也象卦之象如說卦所列者

聖人有以

見天下之動而觀其會通以行其典禮繫辭焉以斷其

吉凶是故謂之爻

會謂理之所聚而不可遺處通謂理之可行而无礙處如庖丁解牛會則

其族而通則其虛也

言天下之至賾而不可惡也言天下之至動

而不可亂也

愚猶微也

擬之而後言議之而後動擬議以成

其變化

觀象玩辭觀變玩占而法行之此下七爻則其例也

鳴鶴在陰其子和之

我有好爵吾與爾靡之子曰君子居其室出其言善則

千里之外應之況其邇者乎居其室出其言不善則千

里之外違之況其邇者乎言出乎身加乎民行發乎邇

見乎遠言行君子之樞機樞機之發榮辱之主也言行

君子之所以動天地也可不慎乎

釋中季九
二文義

同人先號

咷而後笑子曰君子之道或出或處或默或語二人同

心其利斷金同心之言其臭如蘭

釋同人九五文義言
君子之道初若不同

而後實无間斷金如蘭言
物莫能間而其言有味也初六藉用白茅无咎子曰苟

錯諸地而可矣藉之用茅何咎之有慎之至也夫茅

之為物薄而用可重也慎斯術也以往其无所失矣

釋大

過初六
文義

勞謙君子有終吉子曰勞而不伐有功而不德厚

之至也語以其功下人者也德言盛禮言恭謙也者致

恭以存其位者也

釋諫九三文義德言盛禮言恭言德欲其盛禮欲其恭也

亢龍有

悔子曰貴而无位高而无民賢人在下位而无輔是以

動而有悔也

釋乾上九文義當屬文言此蓋重出

不出戶庭无咎子曰亂之

所生也則言語以為階君不密則失臣臣不密則失身

幾事不密則害成是以君子慎密而不出也

釋節初九文義

曰作易者其知盜乎易曰負且乘致寇至負也者小人之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易

曰負且乘致寇至盜之招也

釋解六三爻義此第八韋言卦爻之用

天

一地二天三地四天五地六天七地八天九地十

此簡本在

第十章之首程子曰且在此今從之此言天地之數陽奇陰耦即所謂河圖者也其位一六居下二七居上三

八居左四九居右五十居中就此章而言之則中五為行母次十為行子次一二三四為四象之位次六七八

九為四象之數二老位於西北二少位於東南其數則各以其類交錯於外也天數五地數五

五位相得而各有合天數二十有五地數三十凡天地

之數五十有五此所以成變化而行鬼神也

此簡本在大衍之後

今按宜在此天數五首一三五七九皆奇也地數五者二四六八十皆耦也相得謂一與二三與四五與六七

與八九與十各以奇耦為類而自相得有合謂一與六
二與七三與八四與九五與十皆兩相合二十有五者
五奇之積也三十者五耦之積也變化謂一變生水而
六化成之二化生火而七變成之三變生木而八化成
之四化生金而九變成之五變生土而十化
成之鬼神謂凡奇耦生成之屈伸往來者大衍之數五
十其用四十有九分而為二以象兩卦一以象三揲之
以四以象四時歸奇於扚以象閏五歲再閏故再扚而
後卦大衍之數五十蓋以河圖中宮天五乘地十而得
之至用以筮則又止用四十有九蓋皆出於理勢
之自然而非人之知力所能損益也兩謂天地也掛懸
其一於左手小指之間也三三才也揲間而數之也奇
所揲四數之餘也扚勒於左手手中三指之兩間也閏揲
月之餘日而成月者也五歲之間再揲日而再成月故

五歲之中凡有再閏別起積分如一卦之後左右各一
操而一物故五者之中凡有再物然後別起一卦也

乾之策二百一十有六坤之策百四十有四凡三百有六

十當期之日

一凡此策數生於四象蓋河圖四面太陽居
一而連九少陰居二而連八少陽居三而

連七太陰居四而連六操著之法則通計三變之餘去
其初掛之一凡四為奇凡八為耦奇圓圓三耦方圓四
三用其全四用其半積而數之則為六七八九而第三變
操數策數亦皆符會蓋餘三奇則九而其操亦九策亦
四九三十六是為居一之太陽餘二奇一耦則八而其
操亦八策亦四八三十二是為居二之少陰二耦一奇
則七而其操亦七策亦四七二十八是為居三之少陽
三耦則六而其操亦六策亦四六二十四是為居四之
老陰是其變化往來進退離合之妙皆出自然非人之
所能為也少陰退而未極乎虛少陽進而未極乎盈故

此獨以老陽老陰計乾坤六爻之策數餘可推而知也
期周一歲也凡三百六十五日四分日之一此特舉成
數而概言之耳 二篇之策萬有一千五百二十當萬物之數也

二篇謂上下經凡陽爻百九十二得六千九百一十
二策陰爻百九十二得四千六百八策合之得此數是

故四營而成易十有八變而成卦 四營謂分二掛一揲
四歸奇也易變也謂

一變也三變成爻十 八卦而小成 謂九變而成三
八變則成六爻也 畫得內卦也 引而

伸之觸類而長之天下之能事畢矣 謂已成六爻而視
其爻之變與不變

以為動靜則一卦可變而為六十四 顯道神德行是故
卦以定吉凶凡四千九十六卦也

可與酬酢可與祐神矣 道因辭顯行以數神酬酢謂
應對祐神謂助神化之功 子

曰知變化之道者其知神之所為乎

變化之道即上文數法是也皆非人

之所能為故夫子歎之而門人加子曰以別上文也此第九章言天地大衍之數揲蓍求卦之法然亦畧矣意其詳具於太卜筮人之官而今不可考耳其可推者啟蒙備言之

易有聖人之道四

焉以言者尚其辭以動者尚其變以制器者尚其象以

卜筮者尚其占

四者皆變化之道神之所為也

是以君子將有為也將有

行也問焉而以言其受命也如響无有遠近幽深遂知來

物非天下之至精其孰能與於此

此尚辭尚占之事言人以蓍問易求其卦爻之

辭而以之發言處事則易受人之命而有以告之如響之應聲以決其未來之吉凶也以言與以言者尚其辭

之以言義同命則將筮而告著參伍以變錯綜其數通之語冠禮筮日宰自右贊命是也

其變遂成天下之文極其數遂定天下之象非天下之至

變其孰能與於此

此尚象之事變則象之未定者也參者三數之也伍者五數之也既參以

變又伍以變一先一後更相考覈以審其多寡之實也錯者交而互之一左一右之謂也綜者總而挈之一低

一昂之謂也此亦皆謂揲著求卦之事蓋通三揲兩手之策以成陰陽老少之畫究七八九六之數以定卦爻

動靜之象也參伍錯綜皆古語而參伍尤難曉按荀子云窺敵制變欲伍以參韓非曰省同異之言以知朋黨

之分偶參伍之驗以責陳言之實又曰參之以比物伍之以合參史記曰必參而伍之又曰參伍不失漢書曰參

伍具賈以類相準此足以相發明矣易無思也無為也寂然不動感而遂

通天下之故非天下之至神其孰能與於此哉

此四者之體所以立而用

所以行者也易指著卦无思无為言其无心也寂然者感之體感通者寂之用人之心之妙其動靜亦如此

夫

易聖人之所以極深而研幾也

研猶審也幾微也所以極深者至精也所以研

幾者至變也

唯深也故能通天下之志唯幾也故能成天下

之務唯神也故不疾而速不行而至

所以通志而成務者神之所為也

子曰易有聖人之道四焉此之謂也

此第十章承上章之意言易之用

有此四者

子曰夫易何為者也夫易開物成務冒天下之

道如斯而已者也是故聖人以通天下之志以定天下

之業以斷天下之疑

開物成務謂使人卜筮以知吉凶而成事業冒天下之道謂卦爻既

設而天下之

通皆在其中是故著之德圓而神卦之德方以知六爻

之義易以貢聖人以此洗心退藏於密吉凶與民同患

神以知來知以藏往其孰能與於此哉古之聰明叡知

神武而不殺者夫

圓神謂變化無方方知謂事有定理易以貢謂變易以告人聖人體具三者之

德而無一塵之累无事則其心寂然人莫能窺有事則神知之用隨感而應所謂无卜筮而知吉凶也神武不殺

得其理而不是以明於天之道而察於民之故是興神

物以前民用聖人以此齊戒以神明其德夫

神物謂筮龜渙然純

一之謂齋肅然警惕之謂戒明天道故知神物之可與
察民故故知其用之不可不有以開其先是以作為卜
筮以教人於此焉齋戒以考其占使是故闔戶謂之坤
其心神明不測如鬼神之神能知來也

闔戶謂之乾一闔一闢謂之變往來不窮謂之通見乃

謂之象形乃謂之器制而用之謂之法利用出入民咸

用之謂之神

闔闢動靜之機也先言坤者由靜而動也
乾坤變通者化育之功也見象形器者生

物之序也法者聖人修道之所為而神者百姓自然之日用也是故易有大極是生兩

儀兩生四象四象生八卦

一每生二自然之理也易
者陰陽之變大極者其理

也兩儀者始為一畫以分陰陽四象者次為二畫以分
太少八卦者次為三畫而三才之象始備此數言者實

聖人作易自然之次第有不假絲毫知力而成者畫卦揲蓍其序皆然詳見序例啟蒙 八卦定吉

凶吉凶生大業

有吉有凶是生大業

是故法象莫大乎天地變通

莫大乎四時縣象著明莫大乎日月宗高莫大乎富貴

備物制用立成器以為天下利莫大乎聖人探賾索隱

鈎深致遠定天下之吉凶成天下之亹亹者莫大乎著

龜

富貴謂有天下履帝位立下疑有闕文亹亹猶勉勉也疑則怠決故勉

是故天生神物

聖人則之天地變化聖人效之天垂象見吉凶聖人象

之河出圖洛出書聖人則之

此四者聖人作易之所由也河圖洛書詳見啟蒙

易有四象所以示也繫辭焉所以告也定之以吉凶所

以斷也

四象謂陰陽老少示謂示人以所值之卦爻此第十一章專言卜筮

易曰自

天祐之吉无不利子曰祐者助也天之所助者順也人

之所助者信也履信思乎順又以尚賢也是以自天祐

之吉无不利

釋人有上九爻義然在此无所屬或恐是錯簡宜在第七章之末

子曰

書不盡言言不盡意然則聖人之意其不可見乎子曰

聖人立象以盡意設卦以盡情偽繫辭焉以盡其言變

而通之以盡利鼓之舞之以盡神

言之所傳者淺象之所示者深觀奇耦二

畫包含變化无有窮盡則可見矣變通鼓舞以事而言
兩子曰字宜行其一蓋子曰字皆後人所加故有此誤
如近世通書乃周子所自作亦為後人每章
加以周子曰字其設問答處正如此也 乾坤其易之

緼耶乾坤成列而易立乎其中矣乾坤毀則无以見易

易不可見則乾坤或幾乎息矣

緼所包蓄者猶衣之蓄也易之所有陰陽而已

凡陽皆乾凡陰皆坤畫卦定位則二者成列而易之體立矣乾坤毀謂卦畫不立乾坤息謂變化不行 是

故形而上者謂之道形而下者謂之器化而裁之謂之變

推而行之謂之通舉而錯之天下之民謂之事業

卦又陰陽

皆形而下者其理則道也因其自然之化而裁制是故之變之義也通變二字上章以天言此章以人言

夫象聖人有以見天下之賾而擬諸其形容象其物
宜是故謂之象聖人有以見天下之動而觀其會通以
行其典禮繫辭焉以斷其吉凶是故謂之爻

重出以起下文

極

天下之賾者存乎卦鼓天下之動者存乎辭

卦即象也辭即爻也

化而裁之存乎變推而行之存乎通神而明之存乎其
人默而成之不言而信存乎德行

卦爻所以變通者在人之所以能神而

明之者在德
此第十二章

原本周易本義卷七

欽定四庫全書

原本周易本義卷八

宋 朱熹 撰

周易繫辭下傳

八卦成列象在其中矣因而重之爻在其中矣

成列謂乾一
見二離三震

四巽五坎六艮七坤八之類象謂卦之形體也因而重之謂各因一卦而
以八卦次第加之為六十四也爻六爻也既重而後卦有六爻也

剛柔相推變在其中矣繫辭焉而命之動在其中矣

剛柔相推
而卦爻之

變性來相錯無不可見聖人因其所見而皆繫之辭以
命其吉凶則占者所值當動之爻象亦不出乎此矣

吉凶悔吝

者生乎動者也

吉凶悔吝皆辭之所命也然必因卦爻之動而後見

剛柔者立本者也變通

者趣時者也

一剛一柔各有定位自此以後變以從時

吉凶者貞勝者也

貞正也常也物以其所正

為常者也天下之事非吉則凶非凶則吉常相勝而不已也

天地之道貞觀者也曰

月之道貞明者也天下之動貞夫一者也

觀示也天下之動其變无

窮然順理則吉逆理則凶則其所正而常者亦一理而已矣

夫乾確然示人易矣夫

坤隤然示人簡矣

確然健貌隤然順貌所謂貞觀者也

爻也者效此者也

象也者像此者也

此謂上文乾坤所示之理爻之奇耦卦之消息所以效而象之

文象

動乎內吉凶見乎外功業見乎變聖人之情見乎辭

內謂

著卦之中外謂著卦之外變即動乎內之變辭即見乎外之辭

天地之大德曰生聖人

之大寶曰位何以守位曰人何以聚人曰財理財正辭

禁民為非曰義

曰人之人今本作非衆固與守邦

仁呂氏從古蓋所謂此第一章言卦爻吉

山造化功業

古者包犧氏之王天下也仰則觀象於天俯

則觀法於地觀鳥獸之文與地之宜近取諸身遠取諸

物於是始作八卦以通神明之德以類萬物之情

王胎素曰

與地之間諸本多有天字俯仰遠近所取不一然不過以陰陽消息兩端而已神明之德如健順動止之性萬物之情如雷風

作結繩而為罔罟以佃以漁蓋取諸離

兩目

相承而物麗焉

包犧氏沒神農氏作斲木為耜揉木為耒耒

耨之利以教天下蓋取諸益

二體皆木上入下動天下之益莫大乎此日中

為市致天下之民聚天下之貨交易而退各得其所蓋

取諸噬嗑

日中為市上明而下動又借噬為市嗑為合也

神農氏沒黃帝堯舜

氏作通其變使民不倦神而化之使民宜之易窮則變

變則通通則久是以自天祐之吉无不利黃帝堯舜垂

衣裳而天下治蓋取諸乾坤

乾坤變化而无為

剡木為舟剡木

為楫舟楫之利以濟不通致遠以利天下蓋取諸渙

在木

水上也致遠以
利天下疑衍

服牛乘馬引重致遠以利天下蓋取諸

隨

下動

重門擊柝以待暴客蓋取諸豫

豫備

斷木為杵

掘地為臼臼杵之利萬民以濟蓋取諸小過

下止

弦木

為弧剡木為矢弧矢之利以威天下蓋取諸睽

睽乖然

之上古穴居而野處後世聖人易之以宮室上棟下宇

以待風雨蓋取諸大壯

壯固

古之葬者厚衣之以薪葬

之中野不封不樹喪期無數後世聖人易之以棺槨蓋

取諸大過

送死大事

上古結繩而治後世聖人易之以

書契百官以治萬民以察蓋取諸夬

明決之意 此第二章言聖人制器

尚象之事

是故易者象也象也者像也

易卦之形理之似也

彖者材

也

彖言一卦之材

爻也者效天下之動者也

效放也

是故吉凶生

而悔吝著也

悔吝本微因此而著 此第三章

陽卦多陰陰卦多陽

震坎艮為陽卦皆一陽二陰 巽離兌為陰卦皆一陰二陽

其故何也陽卦奇陰卦耦

凡陽卦皆五畫 凡陰卦皆四畫

其德行何也陽一君而二民君子之道

也陰二君而一民小人之道也

君謂陽民謂陰 此第四章

易曰

憧憧往來朋從爾思子曰天下何思何慮天下同歸而

殊塗一致而百慮天下何思何慮

引咸九四爻義而釋之言理本无二而殊

塗百慮莫非自然何以思慮為哉必思而從則所從者亦狹矣日往則月來月往則日

來日月相推而明生焉寒往則暑來暑往則寒來寒暑

相推而歲成焉往者屈也來者信也屈信相感而利生

焉

言往來屈信皆感應自然之常理加憶焉則入於私矣所以必思而後有從也

尺蠖之屈

以求信也龍蛇之蟄以存身也精義入神以致用也利

用安身以崇德也

因言屈伸往來之理而又推以言學亦有自然之機也精研其義至於入

神屈之至也然乃所以為出而致用之本利其施用无適不然伸之極也然乃所以為入而崇德之資内外交

相養互過此以往未之或知也窮神知化德之盛也

下學

之事盡力於精義利用而交養互發之機自不能已自是以上則亦无所用其力矣至於窮神知化乃德盛仁熟而自致耳然不知者性而屈也自致者來而信也是亦感應自然之理而已張子曰氣有陰陽推行有漸為化合一不測為神此上四節皆以釋成九四之義

易曰困于石據于蒺藜入于其宮不見其妻凶子曰非所困而困焉名必辱非所據

而據焉身必危既辱且危死期將至妻其可得見邪

釋用

六三又義易曰公用射隼于高墉之上獲之无不利子曰隼

者禽也弓矢者器也射之者人也君子藏器於身待時而

動何不利之有動而不括是以出而有獲語成器而動

者也

括結礙也此釋解上六爻義

子曰小人不恥不仁不畏不義不

見利不勸不威不懲小懲而大誡此小人之福也易曰

履校滅趾无咎此之謂也

此釋噬嗑初九爻義

善不積不足以成

名惡不積不足以滅身小人以小善為无益而弗為也

以小惡為无傷而弗去也故惡積而不可揜罪大而不

可解易曰何校滅耳凶

此釋噬嗑上九爻義

子曰危者安其位者

也亡者保其存者也亂者有其治者也是故君子安而

不忘危存而不忘亡治而不忘亂是以身安而國家可

保也易曰其亡其亡繫于苞桑

此釋否九五爻義

子曰德薄而

位尊知小而謀大力小而任重鮮不及矣易曰鼎折足

覆公餗其形渥凶言不勝其任也

此釋鼎九四爻義

子曰知幾

其神乎君子上交不諂下交不瀆其知幾乎幾者動之

微吉之先見者也君子見幾而作不俟終日易曰介于

石不終日貞吉介如石焉寧用終日斷可識矣君子知

微知彰知柔知剛萬夫之望

此釋豫六二爻義漢書吉之之間有凶字

子曰

顏氏之子其殆庶幾乎有不善未嘗不知知之未嘗復

行也易曰不遠復无祇悔元吉

殆危也庶幾近意言近道也此釋復初九爻義

天地絪縕萬物化醇男女構精萬物化生易曰三人行

則損一人一人行則得其友言致一也

絪縕交密之狀醇謂厚而凝也

言氣化者也化生形化者也此釋損六三爻義

子曰君子安其身而後動易其

心而後語定其交而後求君子修此三者故全也危以動則民不與也懼以語則民不應也无交而求則民不與也莫之與則傷之者至矣易曰莫益之或擊之立心

勿恒凶

此釋益上九爻義此第五章

子曰乾坤其易之門邪乾陽

物也坤陰物也陰陽合德而剛柔有體以體天地之撰

以通神明之德

諸卦剛柔之體皆以乾坤合德而成故曰乾坤易之門撰猶事也

其稱

名也雜而不越於稽其類其衰世之意邪

萬物雖多天不出於陰陽

之變故卦爻之義雖雜出而不差繆然非上古得質之時思慮所及也故以為衰世之意蓋指文王與紂之時

也夫易彰往而察來而微顯闡幽開而當名辨物正言

斷辭則備矣

而微顯恐當作微顯而開而之而亦疑有誤

其稱名也小其取

類也大其旨遠其辭文其言曲而中其事肆而隱因貳

以濟民行以明失得之報

群陳也。或疑也。多闕文疑不可盡通。

此第六章

此

易之興也其於中古乎作易者其有憂患乎

夏商之末

易道中微文王拘於羑里而繫彖辭易道復興

是故履德之基也謙德之柄也

復德之本也恒德之固也損德之修也益德之裕也困

之辯也井德之地也巽德之制也

履禮也。上天下澤定分。不易必謹乎此。然後

其德有以爲基而立也。謙者自卑而尊人。又爲禮者之所當執持而不可失者也。九卦皆反身修德以處憂患之事也。而有序焉。基所以立柄所以待復者。心不外而善端存恒者守不變而常且久。懲忿窒慾以修身遷善改過以長善。困以自驗其力。井以不變其所然後能巽順於理以制事變也。

履和而至謙尊

而光復小而辨於物恒雜而不厭損先難而後易益長

裕而不設困窮而通井居其所而遷巽稱而隱

此如書之九德

禮非強世然事皆至極謙以自卑而尊且光復陽微而不亂於羣陰恒處雜而常德不厭損故先難習熟則易益但充長而不造作困身困而道亨井

制禮復以自知恒以一德損以遠害益以興利困以寡

怨井以辨義巽以行權

寡怨謂少所怨尤辨義謂安而能慮此第七章三陳九卦以

明處憂患之道易之為書也不可遠為道也屢遷變動不居

周流六虛上下無常剛柔相易不可為典要唯變所適

遠猶忘也周流六虛謂其出入以度外內使知懼此句陰陽流行於卦之六位

疑有又明於憂患與故无有師保如臨父母雖无師保而常若父

母臨之戒初率其辭而揆其方既有典常苟非其人道

不虛行方道也始由辭以度其理則見其有典常矣然神而明之則存乎其人也此第八章

易之為書也原始要終以為質也六爻相雜唯其時物

也質謂卦體卦必舉其始終而後成體爻則唯其時物而已其初難知其上易知本

末也初辭擬之卒成之終此言初上二爻若夫雜物撰德辨是

與非則非其中爻不備此謂卦中四爻噫亦要存亡吉凶則居

可知矣知者觀其彖辭則思過半矣

彖統論一卦六爻之體

二與

四同功而異位其善不同二多譽四多懼近也柔之為

道不利遠者其要无咎其用柔中也

此以下論中爻同功謂皆陰位異位

謂遠近不同四近君故多懼柔不利遠而二多譽者以其柔中也

三與五同功而異位

三多凶五多功貴賤之等也其柔危其剛勝邪

三五同陽位而

貴賤不同然以柔居之則危惟剛則能勝之

此第九章

易之為書也廣大悉

備有天道焉有人道焉有地道焉兼三材而兩之故六

六者非它也三材之道也

三畫已具三材重之故六而以上二爻為天中二爻為人

下二爻
為地

道有變動故曰爻爻有等故曰物物相雜故曰

文文不當故吉凶生焉

道有變動謂卦之一體等謂遠近貴賤之差相雜謂剛柔之位

相間不當謂爻不當位 此第十章

易之興也其當殷之末世周之盛

德邪當文王與紂之事邪是故其辭危危者使平易者

使傾其道甚大百物不廢懼以終始其要无咎此之謂

易之道也

危懼故得平安慢易則必傾履易之道也 此第十一章

夫乾天下之

至健也德行恒易以知險夫坤天下之至順也德行恒

簡以知阻

至健則所行無難故易至順則所行不煩故簡然其於事皆有以知其難而不敢易以處之

是以其有憂患則健者如自高臨下而知其險順者如自下趨上而知其阻蓋雖易而能知險則不陷於險矣既簡而又知阻則不困於阻矣所以能危能懼而无易者之傾也 能說諸心能研諸侯

之慮定天下之吉凶成天下之亹亹者

侯之二字衍說諸心者心與理

會乾之事也研諸慮者理因慮審坤之事也說諸心故有以定吉凶所諸慮故有以成亹亹

是故變

化云為吉事有祥象事知器占事知來

變化云為故象事可以知器吉

事有祥故占事可以知來

天地設位聖人成能人謀鬼謀百姓與能

天地設位而聖人作易以成其功於是人謀鬼謀雖百姓之愚昏得以與其能

八卦以象告文

彖以情言剛柔雜居而吉凶可見矣

象謂卦畫爻象謂卦爻辭變動

以利言吉凶以情遷是故愛惡相攻而吉凶生遠近相

取而悔吝生情偽相感而利害生凡易之情近而不相

得則凶或害之悔且吝

不相得謂相惡也凶害悔吝皆由此生

將叛者其

辭慙中心疑者其辭枝吉人之辭寡躁人之辭多誣善

之人其辭游失其守者其辭屈

卦爻之辭亦猶是也此第十二章

原本周易本義卷八

欽定四庫全書

原本周易本義卷九

宋 朱熹 撰

周易文言傳

此篇中象傳象傳之意以盡乾坤二卦之蘊而餘卦之說因可以例推云

元者善之長也亨者嘉之會也利者義之和也貞者事之幹

也元者生物之始天地之德莫先於此故於時為春於人則為仁而衆善之長也亨者生物之通物至於此莫不嘉美故於時為夏於人則為禮而衆美之會也利者生物之遂物各得宜不相妨害故於時為秋於人則為義而得其分之和貞者生物之成實理具備隨在各足故於

時為冬於人則為知而為衆事之也
幹幹木之身枝葉所依以立者也
君子體仁足以長人嘉會足

以合禮利物足以和義貞固足以幹事

以仁為體則无一物不在所愛之中故足以長人嘉

其所會則無不合禮使物各得其利則我無不和貞固者知正之所在而固守之所謂知而弗去者也故足以

為事

君子行此四德者故曰乾元亨利貞

非君子之至健无以行此

故曰乾元亨利貞

此第一節申彖傳之意與春秋傳

所載穆姜之言不異疑古者已有此言穆姜稱之而夫子亦有取焉故下文別以子曰表孔子之詞蓋傳者欲以明此章之為古語也
初九曰潛龍勿

用何謂也子曰龍德而隱者也不易乎世不成乎名遯

世无悶不見是而无悶樂則行之憂則違之確乎其不

可拔潛龍也

龍德聖人之德也在下故隱易謂變其所守大抵乾卦六爻文言皆以聖人明之有

隱顯而無淺深也

九二曰見龍在田利見大人何謂也子曰龍

德而正中者也庸言之信庸行之謹閑邪存其誠善世

而不伐德博而化易曰見龍在田利見大人君德也

中正

不潛而未躍之時也常言亦信常行亦謹盛德之至也閑邪存其誠無數亦保之意言君德也者釋大人之為也

九二

九三曰君子終日乾乾夕惕若厲无咎何謂也子

曰君子進德修業忠信所以進德也修辭立其誠所以居業也知至至之可與幾也知終終之可與存義也是

故居上位而不驕在下位而不憂故乾乾因其時而惕

雖危无咎矣

忠信主於心者无一念之不誠也修辭見於事者无一言之不實也雖有忠信之心

然非修辭立誠則无以居之知至至之進德之事知終終之居業之事所以終日乾乾而夕猶惕若者以此故也可上可下不驕九四曰或躍在淵无咎何謂也子曰上不憂所以无咎也

下无常非為邪也進退无恒非離羣也君子進德修業

欲及時也故无咎

內卦以德學言外卦以時位言進德修業九三備矣此則欲其及時而進

也九五曰飛龍在天利見大人何謂也子曰同聲相應

同氣相求水流濕火就燥雲從龍風從虎聖人作而萬

物觀本乎天者親上本乎地者親下則各從其類也

起作

也物猶人也觀釋利見之意也本乎天者謂動物本乎地者謂植物物各從其類聖人人類之首也故興起於

上則人上九曰亢龍有悔何謂也子曰貴而无位高而

无民賢人在下位而无輔是以動而悔也

賢人在下位謂九五以下

无輔以上九過高志滿不來輔助之也此第二節申象傳之意

潛龍勿用下也見龍

在田時舍也

言未為時用也

終日乾乾行事也或躍在淵自試也

未遽有為飛龍在天上治也

居上以治下

亢龍有悔窮之災

也乾元用九天下治也

言乾元用九見與它卦不同君道剛而能柔天下无不治矣

此第三節潛龍勿用陽氣潛藏見龍在田天下文明雖

再申前意在上位然天終日乾乾與時偕行時當或躍在淵乾道

乃革離下而上飛龍在天乃位乎天德天德即天位也

宜居是位變革之時亢龍有悔與時偕極乾元用九乃見天則剛

能柔天之法也此乾元者始而亨者也始則必有利

貞者性情也見性情之實乾始能以美利利天下不言

所利大矣哉始者元而亨也利天下者利也不言所利

大哉乾乎剛健中正純粹精也剛以體言健兼用言中

其立不偏四者乾之德也純者不雜於陰柔粹者不雜於邪惡蓋剛健中正之至極而精者又純粹之至極也或疑乾剛无柔不得言中正者不然也天地之間本一氣之流行而有動靜耳以流行之統體而言則但謂之乾而无所不包矣以其動靜分之然後有陰陽剛柔之別也 六爻發揮旁通情也

猶言曲盡時乘六龍以御天也雲行雨施天下平也

言聖人時乘六

龍以御天則如天之雲行雨施而天下平也此第五節復申首章之意君子以成德為行

日可見之行也潛之為言也隱而未見行而未成是以

君子勿用也

成德已成之德也初九周成德但其行未可見耳

君子學以聚之

問以辨之寬以居之仁以行之易曰見龍在田利見大

人君德也

蓋由四者以成大人之德再言君德以深明九二之為大人也九三重剛而

不中上不在天下不在田故乾乾因其時而惕雖危无

咎矣

重剛謂陽爻陽位

九四重剛而不中上不在天下不在田

中不在人故或之或之者疑之也故无咎

九四非重剛重字疑衍在

人謂三或者隨時而未定也

夫大人者與天地合其德與日月合其

明與四時合其序與鬼神合其吉凶先天而天弗違後

天而奉天時天且弗違而況於人乎況於鬼神乎

大人即釋

爻辭所利見之大人也有是德而當其位乃可當之人與天地鬼神本无二理特蔽於有我的私是以格於形體

而不能相通大人無私以道為體曾何彼此先後之可言哉先天不違謂意之所為默與道契後天奉天謂知理如是奉而行之回紇謂郭子儀曰卜者謂此行當見一大人而還其占蓋與此合若子儀者雖未及乎夫子之所論然其至公无我亢之為言也知進而不知退知

存而不知亡知得而不知喪

所以動而有悔也

其唯聖人乎知

進退存亡而不失其正者其唯聖人乎

知其理勢如是而處之以道則

不至於有悔矣固非計私以避害者也再言其唯聖人乎始若設問而卒自應之也

此第六節復申第二第

二第四節之意

坤至柔而動者也剛至靜而德方

剛方釋北馬之貞也方謂

生物有常後得主而有常

程傳曰主下當有利字

含萬物而化光

復明

亨坤道其順乎承天而時行

復明順承天之義此積以上申彖傳之急

善之家必有余慶積不善之家必有余殃臣弑其君子

弑其父非一朝一夕之故其所由來者漸矣由辨之

早辨也易曰履霜堅冰至蓋言順也

古字順慎通用按此當作慎言

當辨之於微也

直其正也方其義也君子敬以直內義以方外

敬義立而德不孤直方大不習无不利則不疑其所行

也

此以學言之也正謂本體義謂裁制敬則本體之守也直內方外程傳備矣不孤言大也疑故習而後利

不疑則何假於習

陰雖有美含之以從王事弗敢成也地道也

妻道也臣道也地道无成而代有終也天地變化草木蕃

天地閉賢人隱易曰括囊无咎无譽蓋言謹也君子

黃中通理

黃中言中德在內釋黃字之義也

正位居體

雖在尊位而居下體釋裳字之

義美在其中而暢於四支發於事業美之至也

美在其中

復釋黃中暢於四支復釋居體

陰疑於陽必戰為其嫌於无陽也故稱

龍焉猶未離其類也故稱血焉夫玄黃者天地之雜

也天玄而地黃

疑謂鈞敵无小大之差也坤雖无陽然陽未嘗无也血陰屬蓋氣陽而血陰也

玄黃天地之正色言陰陽皆傷也此以上申象傳之意

原本周易本義卷九

欽定四庫全書

原本周易本義卷十

宋 朱熹 撰

周易說卦傳

昔者聖人之作易也幽贊於神明而生蓍

幽贊神明猶言贊化育龜

筮傳曰天下和平王道得而蓍莖長丈其叢生滿百莖

參天兩地而倚數

天圓地方圓者

一而圓三三各一奇故參天而為三方者一而圓四四合二耦故兩地而合二數皆倚此而起故揲蓍三變之末其餘三奇則三三而九三耦則三二而六兩二一三則為七兩三一二則為八觀變於陰陽

而立卦發揮於剛柔而生爻和順於道德而理於義窮

理盡性以至於命

和順從容無所乖逆統言之也理謂隨事得其條理析言之也窮天下之

理盡人物之性而合於天道此聖人作易之極功也此第一章

昔者聖人之作易

也將以順性命之理是以立天之道曰陰與陽立地之

道曰柔與剛立人之道曰仁與義兼三材而兩之故易

六畫而成卦分陰分陽迭用柔剛故易六位而成章

兼三

才而兩之總言六畫又細分之則陰陽之位間雜而成文章也此第二章

天地定位山澤

通氣雷風相薄水火不相射八卦相錯

邵子曰此伏羲八卦之位乾南

坤北離東坎西兌居東南震居東北巽居西南艮居西北於是八卦相交而成六十四卦所謂先天之學也

數往者順知來者逆是故易逆數也

起震而歷離兌以至於乾數已生之

卦也自巽而歷坎艮以至於坤推未生之卦也易之生卦則以乾兌離震巽坎艮坤為次故皆逆數也此第

三章 雷以動之風以散之雨以潤之日以烜之艮以止

之兌以說之乾以君之坤以藏之

此卦位相對與上章同此第四章

帝出乎震齊乎巽相見乎離致役乎坤說言乎乾戰乎

乾勞乎坎成言乎艮

帝者天之主宰邵子曰此卦位乃文王所定所謂後天之學也萬

物出乎震震東方也齊乎巽巽東南也齊也者言萬

物之潔齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也萬物皆致養焉故曰致役乎坤兌正秋也萬物之所說也故曰說言乎兌戰乎乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而所成始也故曰成言乎艮

上言帝此言萬物之隨帝以出入也此第五章所推卦位之說多未詳者

神也者妙萬物而為言者也動萬物者莫疾乎雷撓萬

物者莫疾乎風燥萬物者莫熯乎火說萬物者莫說乎

澤潤萬物者莫潤乎水終萬物始萬物者莫盛乎艮故

水火相逮雷風不相悖山澤通氣然後能變化既成萬物也

此去乾坤而專言六子以見神之所為然其位序亦用上章之說未詳其義 此第六章 乾健也

坤順也震動也巽入也坎陷也離麗也艮止也兌說也

此言八卦之性情 此第七章 乾為馬坤為牛震為龍巽為雞坎為

豕離為雉艮為狗兌為羊 遠取諸物如此 乾為首坤

為腹震為足巽為股坎為耳離為目艮為手兌為口 近取

諸身如此
此第九章

乾天也故稱乎父坤地也故稱乎母震一

索而得男故謂之長男巽一索而得女故謂之長女坎
再索而得男故謂之中男離再索而得女故謂之中女艮
三索而得男故謂之少男兌三索而得女故謂之少女
索求也謂揲蓍以求爻也男女指卦
中一陰一陽之爻而言 此第十章 乾為天為圜為

君為父為玉為金為寒為冰為大赤為良馬為老馬為

瘠馬為駁馬為木果

荀九家此下有為
龍為直為衣為言

坤為地為母為

布為釜為吝嗇為均為子母牛為大輿為文為衆為柄

其於地也為黑

荀九家有為北為迷為方
為震為震為黃為帛為腹

震為雷為龍

為玄黃為粦為大塗為長子為決躁為蒼筤竹為萑葦

其於馬也為善鳴為馵足為作足為的顙其於稼也為

反生其究為健為蕃鮮

荀九家有為
玉為鵠為鼓

巽為木為風為長

女為繩直為工為白為長為高為進退為不果為臭其

於人也為寡髮為廣顙為多白眼為近利市三倍其究

為躁卦

荀九家有
為楊為鶴

坎為水為溝瀆為隱伏為矯輮為弓

輪其於人也為加憂為心病為耳痛為血卦為赤其於

馬也為美瘠為亟心為下首為薄蹄為曳其於興也

為多青為通為月為盜其於木也為堅多心荀九家有為官為律

為可為棟為叢棘為離為火為日為電為中女為甲冑狐為族藜為桎梏

為戈兵其於人也為大腹為乾卦為鼃為蟹為蠃為蚌

為龜其於木也為科上槁荀九家有為北牛艮為山為徑路為

小石為門闕為果蓏為闔寺為指為狗為鼠為黔喙之

屬其於木也為堅多節荀九家有為鼻為虎為狐兌為澤為少女為

巫為口舌為毀折為附決其於地也為剛鹵為妾為羊

荀九家有為常為輔類 此第十一章廣八卦
之象其間多不可曉者求之於經亦不盡合也

原本周易本義卷十

欽定四庫全書

原本周易本義卷十一

宋 朱熹 撰

周易序卦傳

有天地然後萬物生焉盈天地之間者唯萬物故受之以屯屯者盈也屯者物之始生也物生必蒙故受之以蒙蒙者蒙也物之穉也物穉不可不養也故受之以需需者飲食之道也飲食必有訟故受之以訟訟必有衆

起故受之以師師者衆也衆必有所比故受之以比比者
比也此必有所畜故受之以小畜物畜然後有禮故受
之以履履而泰

晁氏云鄭無而泰二字

然後安故受之以泰泰者

通也物不可以終通故受之以否物不可以終否故受
之以同人與人同者物必歸焉故受之以大有有大者
不可以盈故受之以謙有大而能謙必豫故受之以豫
豫必有隨故受之以隨以喜隨人者必有事故受之以
蠱蠱者事也有事而後可大故受之以臨臨者大也物

大然後可以觀故受之以觀可觀而後有所合故受之以噬嗑噬者合也物不可以苟合而已故受之以賁賁者飾也致飾然後亨則盡矣故受之以剝剝者剝也物不可以終盡剝窮上反下故受之以復復則不妄矣故受之以无妄有无妄然後可畜故受之以大畜物畜然後可養故受之以頤頤者養也不養則不可動故受之以大過物不可以終過故受之以坎坎者陷也陷必有所麗故受之以離離者麗也

有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯夫婦之道不可以不久也故受之以恒恒者久也物不可以久居其所故受之以遯遯者退也物不可以終遯故受之以大壯物不可以終壯故受之以晉晉者進也進必有所傷故受之以明夷夷者傷也傷於外者必反於家故受之以家人家人道窮必乖故受之以睽睽者乖也乖必有難故

受之以蹇蹇者難也物不可以終難故受之以解解者
緩也緩必有所失故受之以損損而不已必益故受之
以益益而不已必決故受之以夬夬者決也決必有遇
故受之以姤姤者遇也物相遇而後聚故受之以萃萃
者聚也聚而上者謂之升故受之以升升而不已必困
故受之以困困乎上者必反下故受之以井井道不可
不革故受之以革革物者莫若鼎故受之以鼎主器者
莫若長子故受之以震震者動也物不可以終動止之

故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐豐者大也窮大者必失其居故受之以旅旅而無所容故受之以巽巽者入也入而後說之故受之以兌兌者說也說而後散之故受之以渙渙者離也物不可以終離故受之以節節而信之故受之以中孚有其信者必行之故受之以小過有過物者必濟故受之以既濟物不可窮也故受之以未濟終焉

原本周易本義卷十一

欽定四庫全書

原本周易本義卷十二

宋 朱熹 撰

周易雜卦傳

乾剛坤柔比樂師憂臨觀之義或與或求

以我臨物曰與物來觀我

曰求或曰二卦互有與求之義

屯見而不失其居蒙雜而著

屯震遇坎震動

故見坎險不行也蒙坎遇艮坎憂昧艮光明也或曰屯以初言蒙以二言

震起也艮止也損

益盛衰之始也大畜時也无妄災也

止健者時有適然无妄而災自外至

萃聚而升不來也謙輕而豫怠也噬嗑食也賁无色也

白受采

允見而巽伏也

允陰外見巽陰內著

隨无故也蠱則飭也

隨前

无故蠱後當飭

剥爛也復反也晉晝也明夷誅也

誅傷也

井通而

困相遇也

剛柔相遇而剛見揜也

咸速也恒久也

感速常久

渙離也節

止也解緩也蹇難也睽外也家人內也否泰反其類也

大壯則止遯者退也

止謂不退

大有衆也同人親也革去故

也鼎取新也小過過也中孚信也豐多故也親寡旅也

既明且衆其故多矣

離上而坎下也

火炎上水潤下

小畜寡也履不處也

不處行
進之義
需不進也訟不親也大過顛也遺遇也柔遇剛

也漸女歸待男行也頤養正也既濟定也歸妹女之終
也未濟男之窮也夬決也剛決柔也君子道長小人道

憂也

自遯以下卦不反對或疑其錯簡
今以韻協之又似非誤未詳何義

原本周易本義卷十二

欽定四庫全書

原本周易本義卷末上

宋 朱熹 撰

周易五贊

原象

太一肇判陰降陽升陽一以施陰兩而承惟皇昊義仰
觀俯察奇偶既陳兩儀斯設既幹乃支一各生兩陰陽
交錯以立四象奇加以奇曰陽之陽奇而加偶陽陰以

章偶而加奇陰內陽外偶復加偶陰與陰會兩一既分
一復生兩三才在目八卦指掌奇奇而奇初一日乾奇
奇而偶兌次二焉奇偶而奇次三日離奇偶而偶四震
以隨偶奇而奇巽居次五偶奇而偶坎六斯睹偶偶而
奇艮居次七偶偶而偶八坤以畢初畫為儀中畫為像
上畫卦成人文斯朗因而重之一貞八悔六十四卦由
內達外交易為體往來彼變易為用時靜時動降帝
而王傳夏歷商有占無文民用弗章文王繫彖周公繫

爻視此八卦二純六交乃乾斯父乃坤斯母震坎艮男
巽離兌女離南坎北震東兌西乾坤艮巽位以四維建
官立師命曰周易孔聖贊之是為十翼遭秦弗燼及
宋而明邵傳義畫程演周經象陳數列言盡理得彌
億萬年永著常式

述旨

昔在上古世質民淳是非莫別利害不分風氣既開乃
生聖人聰明睿智出類超羣仰觀俯察始畫奇偶教之

卜筮以斷可否作為君師開鑿戶牖民用不迷以有常
守降及中古世變風移淳澆質喪民偽日滋穆穆文王身
蒙大難安土樂天惟世之患乃本卦義繫此彖辭爻及
周公六爻是資因是設教丁寧詳密必中必正乃亨乃
吉語子惟孝語臣則忠鉤深闡微如日之中爻暨未流淫
于術數儻句成欺黃裳亦誤大哉孔子晚好是書韋編
既絕八索以祛乃作彖象十翼之篇專用義理發揮經
言居省象辭動察變占存亡進退陟降飛潛曰毫曰釐

匪差匪繆假我數年庶無大咎恭惟三古四聖一心垂
象炳明千載是臨惟是學者不本其初文辭象數或
肆或拘嗟予小子既微且陋鑽仰沒身奚測奚究匪警
滋荒匪識滋漏惟用存疑敢曰垂後

明筮

奇數之元參天兩地衍而極之五十乃備是曰大衍虛
一無為其為用者四十九著信手平分置右於几取右
一著掛左小指乃以右手揲左之策四四之餘歸之于

初初初左手無名指間右策左標將指是安再初之奇
通掛之筭不五則九是謂一變置此掛初再用存策分
掛標歸復準前式三亦如之奇皆四八三變既備數斯
可察數之可察其辨伊何四五為少八九為多三少為
九是曰老陽三多為六老陰是當一少兩多少陽
之七孰八少陰少兩多一既得初爻復合前著四十有
九如前之為三變一爻通十八變六爻發揮卦體可見老
極而變少守其常六爻皆守永辭是當變視其爻兩兼

首尾變及三爻占兩卦體或四或五視彼所存四二五
一二分一專皆變而他新存舊毀消息盈虛舍此視
彼乾占用九坤占用六泰愕匪人姤喜來復

稽類

八卦之象說卦詳焉考之於經其用弗專彖以情言象
以象告惟是之求斯得其要乾健天行坤順地從震動
為雷巽入木風坎險水泉亦雲亦雨離麗文明雷日而
火艮止為山兌說為澤以是舉之其要斯得凡卦六虛

奇偶殊位奇陽偶陰各以其類得位為正二五為中二
臣五君初始上終貞悔體分爻以位應陰陽相求乃得
其正凡陽斯淑君子居之凡陰斯慝小人是為常可類
求變非例測非常曷變謹此為則

警學

讀易之法先正其心肅容端席有翼有臨于卦于爻如筮
斯得假彼象辭為我儀則字從其訓句逆其情事因其
理意適其平曰否曰臧如目斯見曰止曰行如足斯踐

母寬以畧母密以窮母固而可母必而通平易從容自
表而裏及其貫之萬事一理理定既實事來尚虛用
應始有體該本無稽實待虛存體應用執古御今由
靜制動潔靜精微是之謂易體之在我動有常吉在昔
程氏繼周紹孔奧旨宏綱星陳極拱惟斯未啟以俟後
人小子狂簡敢述而申之

原本周易本義卷末上

欽定四庫全書

原本周易本義卷末下

宋 朱熹 撰

筮儀

擇地潔處為蓍室南戶置牀于室中央

牀大約長五尺廣三尺毋太近

壁壁蓍五十莖韜以黼帛貯以皂囊納之櫝中置于牀北

櫝以竹筒或堅木或布漆為之圓徑三寸如蓍之長半為底半為蓋下別為臺函之使不偃仆

設木格

于櫝南居牀二分之北

格以橫木版為之高一尺長竟牀當中為兩大刻相距一尺大

刻之西為三小刻相距各五寸許下施橫足側立案上

置香爐一于格南香合一

于爐南日炷香致敬將筮則洒掃拂拭滌研一注水及

筆一墨一黃漆版一于爐東東上筮者齋潔衣冠北向

盥手焚香致敬

筮者北向見儀禮若使人筮則主人焚香畢少退北向立筮者進立於牀前少

西南向受命主人直述所占之事筮者許諸主人右還西向立筮者右還北向立

兩手奉櫝蓋

置于格南爐北出著于櫝去囊解鞫置于櫝東合五十策

兩手執之熏于爐上

此後所用著策之數其說並見啟蒙

命之曰假爾泰

筮有常假爾泰筮有常某官姓名今以某事云云未知

可否爰質所疑于神于靈吉凶得失悔吝憂虞惟爾有

神尚明告之乃以右手取其一策反于櫝中而以左右

手中分四中九策置格之左右兩大刻

此第一營所謂分而為二以象

兩者也

次以左手取左大刻之策執之而以右手取右大

刻之策掛於左手之小指間

此第二營所謂掛一以象三者也

次以右

手四揲左手之策

此第三營之半所謂揲之以四以象四時者也

次歸其所餘

之策或一或二或三或四而扐之左手無名指間

此第四營

之半所謂歸奇于扐以象閏者也

次以右手反過揲之策於左大刻遂

取右大刻之策執之而以左手四揲之

此第三營之半

次歸其

所餘之策如前而扚之左手中指之間

此第四營之半所謂再扚以象再

閏者也一變所餘之策左一則右必三左二則右亦二左三則右必一左四則右亦四通掛一之策不五則九五以一具四而為奇九以兩具次以右手反過揲之策四而為偶奇者三而偶者一也

於右大刻而合左手一掛二扚之策置于格上第一小

刻

以東為上後放此

是為一變再以兩手取左右大刻之著合

之

或四十四策或四十策

復四營如第一變之儀而置其掛扚之

策於格上第二小刻是為二變

二變所餘之策左一則右必二左二則右必一

左三則右必四左四則右必三通掛一之策不四則八
四以一其四而為奇八以兩其四而為偶奇偶各得四
之二
又再取左右大刻之著合之
或四十策或三十
六策或三十二策復

四營如第二變之儀而置其掛劫之策於格上第三小

刻是為三變
三變餘策
與二變同三變既畢乃視其三變所得掛

劫過揲之策而畫其爻於版
掛劫之數五四為奇八九
為偶掛劫三奇合十三策

則過揲三十六策而為老陽其畫為口所謂重也掛劫
兩奇一偶合十七策則過揲三十二策而為少陰其畫

為一所謂拆也掛劫兩偶一奇合二十一策則過揲二
十八策所謂少陽其畫為一所謂單也掛劫三偶合二

十五策則過揲二十四策而如是每三變而成爻
第一
第四

第七第十第十三第十六凡六變並同但第二變以下
不命而俱用四十九著耳第二第五第八第十一第十
四第十七凡六變亦同第三第六第九
第十二第十五第十八凡六變亦同 凡十有八變而

成卦乃考其卦之變而占其事之吉凶

卦變別有圖說見啟蒙 禮

畢韜著虞之以囊入櫝加蓋斂筆研墨版再焚香致敬

而退

如使人筮則主人焚香揖筮者而退

原本周易本義卷末下